





人代紀要卷之十二

明吳興顧應祥編集

大埔黃宸校刊 江陰湯明善校正

庠生倪佩 臧繼華同校

乙酉晉武帝泰始元年

吳甘露元年

秋八月司馬昭卒年五十五謚文王後追贈太祖

文皇帝葬崇陽陵子炎繼是為晉世祖 冬十二

月司馬炎代魏命改元泰始都洛陽廢魏主奐為

陳留王魏亡 有大人長三丈餘見於襄武

魏自曹丕庚子年受漢禪傳五主至奐乙酉冬



十二月為司馬炎逼禪共四十六年

是年吳徙都武昌 夏四月甘露降改元甘露

丙戌

吳寶鼎元年

東夷倭人貢方物 併圓方丘之祀於南北郊

吳復還建業 八月得大鼎改元寶鼎

丁亥

立子衷為皇太子 徵犍為李密不至上陳情表

吳作昭明宮

戊子

太后王氏殂居喪遵古禮 太保王祥卒

泰山崩青徐交豫大水伊洛溢

己丑

置鮮卑降者于雍涼此鮮卑亂華之始

吳十月改元建衡大赦

庚寅

胡烈擊鮮卑禿髮樹機能敗死此南涼之先

辛卯

晉主欲遠賈充以為都督秦涼軍事充患之計納

女為太子妃復留舊任 安樂公劉禪卒謚曰思

吳平交趾 鳳凰集改明年為鳳凰

壬辰

以賈充為司空 吳鳳凰元年

癸巳

以鄧艾孫朗為郎中 選公卿女備六宮禁嫁娶

甲午

選良家女入宮 以山濤為吏部尚書以嵇康子

紹為秘書丞 魏主芳卒謚曰厲

吳荊州牧陸抗卒



乙未咸寧元年春正月改元大赦

吳掘地得銀冊改元天冊

丙申 立楊駿女為皇后以駿為車騎將軍

吳開臨平湖得小石刻皇帝字改元天璽

丁酉 四夷內附

吳陽羨山有空石長十餘丈封禪改元天紀

戊戌 羊祜入朝請伐吳 冬十一月羊祜卒

是年初立國子學置祭酒

己亥 以劉淵為左部帥此匈奴亂華之始 王濬王渾

為帥大舉兵伐吳 汲郡人發魏安釐王家得竹

簡書 肅慎貢楛矢石弩

庚子太康元年四月改

王濬王渾師至石頭孫皓降降封歸命侯吳亡

吳自孫權於魏文帝三年壬寅稱帝至晉武帝

十六年庚子為晉所滅傳四主共五十九年

辛丑 選吳伎妾五千人入宮日事遊宴

鮮卑慕容涉歸寇昌黎是為前燕之始

壬寅 賈充死以壻韓壽子韓謚為世孫太常謚曰荒晉

主改曰武

癸卯 歸命侯孫皓卒



甲辰

乙巳 南陽郡獲兩足獸 王濬卒

丙午

丁未 太廟地陷深數丈中有破船

戊申

巳酉 以劉淵為匈奴北部都尉

庚戌

太熙元年正月改  
晉惠帝永熙元年四月改

春正月改元太熙 夏四月帝崩在位二十五年  
壽五十五謚武皇帝塋峻陽陵廟號世祖太子衷  
即位年二十三改元永熙

立賈充女賈南風為皇后 立謝淑媛所生子適

為皇太子 楊駿為太傅大都督

辛亥永平元年正月改 三月又改元元康

賈后專制為楊駿裁抑賈后使人誣駿謀反收殺  
之并殺其妻龐氏又矯詔廢楊太后幽于金墉城  
以誅楊駿功封侯者千八十一人 汝南王亮為

太宰與太保衛瓘並錄尚書事亮瓘以楚王瑋好

殺欲奪其兵權謀遣之國瑋昵於賈后誣亮等欲

廢立使帝作手詔收殺之張華復說賈后責瑋專

殺執斬之 以賈模張華裴頠裴楷為侍中並管



機要

壬子 賈后絕楊太后膳餓死

癸丑 弘農雨雹深三尺

甲寅 慕容廆徙居大棘城

乙卯 索頭分為三部一居上谷之北濡源之西祿宮自

統之一居代郡參合陂之北兄子猗也統之一居

定襄之盛樂故城猗弟猗盧統之

索頭鮮卑別部以索鮮髮

丙辰 以張華為司空 秦雍氏羗齊萬年僭號 畧陽

氏楊茂搜據仇池 是年安豐有女化為男

丁巳 以王戎為司徒是時王衍為尚書令樂廣為河南

尹皆尚清談宅心事外名重當世朝野爭慕效之

將軍周處擊齊萬年戰死

戊午 畧陽大水流民就食漢川此李特起之始

巳未 齊萬年平 賈后取妹夫韓壽子慰祖養之欲代

太子詐為太子反書廢太子適為庶人幽于金墉

城太子妃父王衍自表離婚妃慟哭而歸殺太子

毋謝淑媛 太子洗馬江統論徙戎不聽

庚申未康元年 春正月改

雨血妖星見中台星坼 三月賈后令太醫程據

和毒藥矯制使黃門孫慮賜太子適死適不肯服



以藥杵椎殺之 夏四月趙王倫廢賈后送金墉城矯詔賜死收賈謚趙燦賈午司空張華僕射裴頌等斬之夷三族 立適次子臨淮王臧為皇太孫倫加九錫專政 秋八月淮南王允起兵討倫不克而死 孫秀計殺潘岳石崇 冬十一月立尚書郎羊玄之之女羊氏為皇后 改司徒為丞相

史稱張華文學才識名重一時然仕於亂世而不知見幾避位惡在其為博物也韋忠曰張茂先華而不實信哉

辛酉

是年趙王倫篡改元建始

四月惠帝復位改元永寧

春正月趙王倫篡位改元建始遷帝金墉城尊為太上皇廢太孫臧為濮陽王殺之立世子萇為皇太子孫秀為侍中專政 夏四月齊王冏檄成都王穎河間王顥長沙王乂新野公歆諸鎮兵討倫群臣殺孫秀倫懼迎帝復位改元永寧送倫金墉城賜死誅萇立適少子襄陽王尚為皇太孫冏加九錫專政穎讓歸鎮鄴 流人巴氏李特據廣漢攻成都

李特巴西宕梁人其先廩君之苗裔云出自石



穴中其後種類遂繁秦以爲黔中郡歲口賦錢四十巴人呼賦爲賓因謂之賓人漢末從張魯鬼道遷漢中抄掠行旅號爲楊車巴後因飢荒流入蜀

壬戌太安 十二月改

太孫尚卒立武帝孫清河王覃爲皇太子齊王冏驕恣叅軍張翰托思專鱸引去 冬十二月河間王顥檄長沙王乂執冏誅之改元太安乂遂專政是年魏主曹真卒謚魏元皇帝 鮮卑宇文部圍棘城是爲宇文周之始

宇文氏其先出於炎帝子孫遁居沙漠其後有葛烏兔雄武多筭畧鮮卑奉以爲主遂總十二部世爲大人裔孫普回自陰山徙居遼西其俗謂天子曰宇文故國號宇文遂以爲氏是爲北周之先

癸亥

河間王顥成都王穎舉兵犯闕攻乂顥將張方大掠京師 冬十月乂奉帝討穎破之穎殺其都督陸機弟清河內史陸雲 是年封鮮卑段務勿塵爲遼西公 李特爲羅尚所斬弟流代流死特子雄代



甲子晉

永安元年七月改建武十一月復改永安十二月改末興

漢劉淵元熙成李雄建興

東海王越執長沙王又送金墉城密令張方炙殺

之改元末安穎入京師自為丞相加九錫還鎮

春二月穎廢羊后及太子覃河間王顥表穎為皇

太弟顥自為太宰雍州牧 秋七月東海王越與

右衛將軍陳珍復羊后太子奉帝討穎師敗侍中

嵇紹以身衛主被殺帝頰中三矢墮草中亡六璽

穎迎帝入鄴改元建武 八月張方入洛陽復廢

羊后及太子安北將軍王浚與越弟東瀛公騰以

烏桓兵攻鄴穎敗走奉帝還洛陽 冬十一月張

方逼帝遷長安復稱永安年號立羊后 十二月

河間王顥廢穎表豫章王熾為皇太弟改元永興

以越為太傅王衍王戎與政

是年晉以匈奴劉淵為大單于 劉淵遷都左國

城自稱漢王追尊漢帝禪為孝懷皇帝改元元熙

立呼延氏為后

劉淵匈奴冒頓之後左賢王劉豹之子漢高祖

以宗女為公主妻冒頓約為兄弟故其子孫冒

姓劉氏自古未有夷狄為中國主者寔自淵始

此開闢以來一大變也故特著之



李雄自稱成都王改元建興

乙丑 夏四月張方復廢羊后 東海王越傳檄起兵討

張方 成都王穎據洛陽

是年羯奴石勒與牧帥汲桑為盜以石為姓勒為名

石勒初名匄上黨武鄉羯其先匈奴別種年十

四隨販至洛陽倚嘯上東門王衍見而異之是

為後趙

丙寅 光熙元年 六月改 成晏平元年

春正月河間王顥誘殺張方成都王穎奔長安

夏四月東海王越奉帝還洛陽六月復羊后改元

光熙越為太傅越用庾敳郭象等皆崇尚虛無貨

殖無厭 秋九月頓丘太守馮嵩執穎送鄴范陽

王虓幽之長史劉輿偽詔賜死 冬十一月帝食

餅中毒崩或曰越弑之在位十七年年四十八謚

惠帝葬太陽陵大弟熾即位是為懷帝立梁后尊

羊后為惠后 十二月南陽王模殺顥 晉以劉

琨為并州刺史 有人兼男女體

李雄僭稱帝於成都國號大成建元晏平

丁卯 晉懷帝 永嘉元年



正月改元永嘉除三族刑立故太子覃弟銓為皇太子 以王衍為司徒 是年琅邪王睿鎮建業 以王導為謀主收名士賀循顧榮

按王導以睿名論素輕吳人不附引循榮為輔 殊不知因此而人皆務名以求進矣此東晉之 所以衰也

石勒降劉淵

慕容廆自稱鮮卑單于居棘城是為前燕

慕容鮮卑人也其先有熊氏之苗裔世居北夷 邑于紫蒙之野號曰東胡後與匈奴並盛分保

鮮卑山因以為號其祖莫護跋好帶步搖冠諸 部呼步搖音訛為慕容

是年鷲出地中有星如日

戊辰

東海王越殺故太子覃

漢來鳳元年

是年劉淵僭稱皇帝於蒲子國號漢改元永鳳

巳巳

王衍為太尉

漢徙都平陽於汾水得璽改元河瑞元年

庚午

劉聰光興元

漢劉淵卒偽謚高祖光文皇帝子和繼和弟聰為 大司馬大將軍錄尚書事和惡其強欲除之聰遂



弒和自立改元光興石勒爲并州刺史勒以張  
賓爲謀主劉聰以異母弟北海王又爲皇太弟  
烝其母單夫人又以爲言單憤恚而死

拓跋祿官卒弟猗盧總攝三部以爲大單于封代  
公

拓跋猗盧元魏之祖也拓跋之先相傳黃帝子  
昌意之少子受封北國大鮮卑山其後世統幽  
都之北黃帝以土德王北俗謂土爲托謂后爲  
跋故以爲氏其裔始均仕堯逐女魃於弱水舜  
命爲田祖歷三代秦漢獯鬻後化山戎匈奴之

屬累代作害而始均之裔不交南夏載籍無聞  
積六七十代至毛立統國二十六代姓九十九  
威振北方數傳至詰汾天女以男授之名力微  
諺云詰汾皇帝無婦家力微皇帝無舅家力微  
在位五十八年年一百四歲是謂魏始祖神元  
皇帝力微已上至毛立俱追尊爲皇帝力微傳  
子悉鹿卒弟綽立卒子弗政立猗盧弗政次子  
也晉封代公後尊爲穆皇帝

慕容廆自稱鮮卑大單于

氐酋蒲洪自稱畧陽公



蒲洪畧陽臨渭氏人其先有扈之苗裔世爲西戎酋長池中有蒲生長五丈五節人稱爲蒲家因以爲氏隴右苦雨謠曰雨若不止洪水必起故名洪時識有艸付爲王之語至其孫堅生背有艸付字遂改姓苻是爲前秦

漢嘉平元年 成李雄王衡元年

辛未

春三月太傅越空國討劉聰死于項以王衍爲元帥持喪歸石勒追敗之將士無一人免者執王衍等殺之剖越棺焚其尸

石勒問衍晉故衍備陳禍亂之由勒悅與語移日衍又云少無宦情不豫世事勸勒稱尊號以自免勒怒曰君少壯登朝名蓋四海身居重任何得言無宦情破壞天下非君而誰扶出殺之空言無補之流類若此

琅邪王睿逐揚州都督周馥以王敦代之

夏六月劉聰將王彌劉曜石勒兵入洛陽執晉帝遷平陽封平阿公殺太子詮發晉陵墓焚宮廟劉曜擄惠帝羊后爲妻 司空荀晞立豫章王端爲太子屯蒙城 荀藩奉吳孝王晏之子秦王業趨許昌年十二 石勒陷蒙城執晞及端誘殺王彌



併其兵 漢劉聰得傳國璽改元嘉平 納太保  
劉殷二女為左右貴嬪位昭儀上又納殷孫女四  
人為貴人

成李雄以戰勝改元王衡

壬申 劉聰封晉帝為會稽郡公以小劉貴人妻之封會

稽國夫人 雍州刺史賈疋破劉曜兵奉秦王業

入長安立為太子 王敦殺其兄荊州都督澄

石勒據襄國今順德府

羗囚姚弋仲自稱扶風公

姚弋仲南安赤亭羗相傳為有虞氏苗裔東漢

時內附處于南安之赤亭是為後秦

癸酉晉愍帝 建興元年

春二月劉聰使晉帝青衣行酒晉臣庾珉王儁慟

哭聰遂鳩殺帝殺岷儁復以會稽夫人為貴人

夏四月太子業即位于長安改元建興 左丞相

睿以祖逖為豫州刺史 王敦表陶侃為荊州刺

史 漢劉聰立左貴嬪劉氏為后起鷄儀樓居之

廷尉陳元達切諫而止

本紀云聰在逍遙園李中堂元達自鎖其腰入

諫聰大怒命將出與妻子同臬東市元達抱樹



八什綱要 卷之十一  
大叫以鑱繞樹曳不能動劉氏聞之密遣中常侍私勅左右停刑手䟽切諫乃解引元達謝之易園爲納賢園堂爲愧賢堂

甲戌 春正月朔黑霧着人如墨五日乃止 有如日隕于地又三日出西方東行

流星隕于平陽化爲肉旁有哭聲 劉聰妻劉氏產一蛇一獸劉氏死遂失此肉哭亦止

蒲子縣馬生人 劉聰以子粲爲相國

是年春二月張軌爲涼州牧九月卒謚武穆子寔嗣

張軌安定烏氏人漢常山王張耳十七世孫也是爲前涼

乙亥

漢劉聰建元元年

春二月以琅邪王睿爲丞相都督中外諸軍事

南陽王保爲相國劉琨爲司空都督并冀幽軍事進封代公猗盧爲代王 夏六月加王敦都督江揚等州事 徙陶侃爲廣州刺史

前涼張寔得皇帝行寶獻之

漢劉聰以太廟成改元建元 劉聰如中護軍斬準第見其二女有國色俱納之立其長女月光爲



上皇后次女月華與劉貴妃爲左右皇后陳元達  
諫不聽又奏月光有穢行聰不得已廢之月光自  
殺聰深恨元達

丙子

漢劉聰麟嘉元年

平陽地震劉聰內史女化男 犬豕交於宮門  
漢內侍王沈等與劉粲構害太弟又聰殺其少府  
陳休等七人太尉劉易廷尉陳元達俱以諫自殺  
聰復以侍婢樊氏爲上皇后四后之外佩后爾綬  
者復七人 有豕帶進賢冠犬冠武冠帶綬與豕  
並升聰座

冬十一月劉曜陷長安晉帝業出降御史中丞吉  
朗自殺曜遷帝平陽封懷安侯劉聰告于太廟改  
元麟嘉

晉自司馬炎乙酉年冬十二月受魏禪至司馬  
業丙子冬十一月爲劉曜所執凡四主共五十  
一年而司馬睿即位建康不過偏安而已

代王猗盧愛少子比延欲以爲嗣使其長子六脩  
拜不從猗盧攻六脩兵敗爲六脩所弑猗迺子普  
想誅六脩自立尋卒國人立猗盧弟弗之子鬱律  
丁丑晉元帝建武元年



春正月虹霓彌天三日並照 二月丞相睿稱王  
于建康改元建武睿宣帝曾孫琅邪恭王觀之子  
也

本紀云初玄石圖有牛繼馬後故宣帝深忌牛  
氏遂以二榼共一口貯酒帝先飲其佳者而以  
毒酒鳩其將牛金而恭王妃夏侯氏竟通小吏  
牛氏而生元帝亦有符云

按司馬懿死於魏明帝嘉平二年辛未後一十  
四年乙酉而司馬炎始受魏禪懿乃預爲牛繼  
馬後之防而毒其將乎其爲謀亦太早矣恐未

必然

漢劉聰信內侍王沉等交構廢大弟義爲北部王  
劉粲使斬準賊殺之立粲爲皇太子

冬十二月劉聰以晉帝業爲車騎將軍執戟前導  
又使行酒洗爵執蓋尚書辛賓抱帝大哭聰怒殺  
之遂弑帝

戊寅晉大興元年

漢漢昌

光初

春三月晉主睿即皇帝位于建康改元大興  
立子紹爲皇太子以王敦爲荊州刺史專征伐王  
導爲驃騎將軍輔政 以慕容廆爲龍驤將軍大



單于 夏五月劉琨爲段疇所殺

劉聰所居螽斯則百堂災燒死其子二十一人

聰以內侍王沉養女爲左皇后尚書令王鑒中書  
監令崔懿之曹恂諫俱斬于市又以內侍宣懷養

女爲中皇后 秋七月劉聰卒偽謚昭武皇帝廟

號烈宗子粲立改元漢昌聰四后粲俱悉之以斬  
準爲大司空政皆決於準 八月準勒兵升殿執

粲弑之劉氏男女無少長皆斬東市發淵聰二陵  
斬屍焚廟自稱大將軍漢天王稱藩于晉

冬十月劉曜自長安入至赤壁稱帝改元光初遣

石勒拔平陽誅斬準以石勒爲趙公加九錫

是年雨血于平陽廣袤十里 十一月乙卯日夜

出高三丈

初劉聰子約死復蘇云見其祖劉淵於不周山

謂曰東北有遮須夷國無主待汝父爲之後三

年當來約辭歸道遇猗尼渠餘國與皮囊一枚

言內白玉一方文曰敬信遮須夷國天王歲在攝

提當相見也聰曰審如此吾不畏死矣及聰死

與玉同葬

按劉聰在位九年山崩地震日隕星墜人妖物



恠無月無之蓋夷狄據中國連弒二主天地所不容者靳準之禍天特假手云爾

巳卯 春三月合祭天地 詔琅邪恭王爲皇考以賀循言罷之

按琅邪恭王覲乃元帝之父懷愍喪國而元帝崛起江南乃不得追尊其父乎賀循之言謬矣斷史者謂元帝能從諫非也當時君弱臣強元帝不敢言耳

南陽王保自稱晉王改元建康置百官 劉曜徙都長安立晉惠后羊氏爲后子熙爲太子

改國號趙是爲前趙

按劉曜既立羊氏爲后謂曰我何如司馬家兒答曰陛下開基之聖主彼亡國之暗夫何可並言彼貴爲帝王一婦一子一身曾不能庇妾於是時實不欲生謂世間男子皆然今始知天下有丈夫耳曜甚寵之后之論惠帝似矣獨不思失身夷狄哀哉

石勒遣使獻捷于曜斬其使勒怒稱王于襄國國號趙是爲後趙稱元年加張賓大執法輔政石虎爲驃騎將軍禁胡人不得陵侮華族



是年慕容廆敗宇文氏取遼東得王璽三紐  
蒲洪降于前趙

庚辰

西涼張茂永元元年

南陽王保敗死 王敦有異志以譙王承為湘州  
刺史 以慕容廆為平州刺史

張寔為帳下所殺弟茂立改元永元以寔子駿為  
世子

劉曜立太學

辛巳

豫州刺史祖逖卒弟約代 常山崩  
代拓跋猗色妻惟氏殺代王鬱律而立其子賀儔

免 鬱律子什翼犍幼在襁褓其母王氏匿于袴中得  
免

鬱律後追謚平文皇帝號太祖

壬午永昌元年春正月改元

王敦自武昌舉兵反據石頭欲易太子溫嶠沮之  
乃殺戴淵周顛不朝而去 夏四月敦兵陷長沙  
譙王承被執而死

按王敦問戴淵周顛於王導再問而再不答遂  
殺之導檢中書故事見顛申救表涕泣而嘆曰  
幽冥之中負此良友夫導身為輔相不能以大



義滅親又假手以殺戮忠良非直負友也其負君甚矣

閏十一月帝憂憤崩在位六年壽四十七死建平陵廟號中宗太子紹即位王導受遺輔政漢劉曜封楊難敵為武都王石勒謀臣張賓卒

癸未晉明帝 太寧元年

六月立庾氏為后以其兄亮為中書監前趙封姚弋仲為平襄公 羊氏卒偽謚文獻皇后 張茂降于前趙獻馬一千五百疋牛三千頭

羊十萬口黃金三百八十觔銀七百觔女妓二十人珍寶珠玉不可勝紀封涼王

甲申

涼張駿太元元年

夏六月加王導大都督揚州刺史督諸軍事討王敦敦與錢鳳復謀逆殺郭璞秋七月至江寧帝親征破其軍敦因病死

李雄立兒子班為太子

涼張茂卒兄子駿嗣改元太元

代徙居東木根山

乙酉 以陶侃都督荆襄等州軍事 秋閏七月帝崩在



位三年年二十七葬武平陵謚明帝廟號肅宗太

子衍即位年五歲庾太后稱制司徒王導中書令

庾亮尚書令卞壺受遺輔政

代王賀僂卒弟紇那嗣

段遼弒其君牙而自立

石勒遣石生寇河南陷司豫徐兗等州

丙戌晉成帝咸和元年

春二月改元大酺五日 庾亮殺南頓王宗降西

陽王秉為弋陽縣王

丁亥 庾亮徵蘇峻為大司農辭不受與祖約舉兵友

宣城内史桓彝起兵赴難

戊子 蘇峻兵犯闕卞壺及二子珍盱赴敵死丹陽尹羊

曼黃門侍郎周導廬江太守陶侃子瞻俱戰死庾

亮奔尋陽峻入臺城掠後宮金帛自為錄尚書事

以王導有德望猶以本官居右祖約為太尉弋陽

王秉稱峻功德復以為太宰封西陽王峻分兵陷

宣城執桓彝殺之 二月庾太后以憂卒 夏四

月蘇峻遷帝於石頭 秋九月溫嶠陶侃討峻誅

之峻弟逸代領其衆祖約奔趙

石勒破劉曜兵于洛陽執曜歸殺之太子熙奔上



邽前趙亡 石勒改元太和

前趙自劉淵於晉惠帝永安元年甲子稱漢王  
懷帝永嘉二年戊辰僭稱帝次年徙都平陽至  
元帝太興元年戊寅爲靳準所殺劉曜徙都長  
安改號趙至成帝咸和三年戊子被石勒滅之  
前後共三主二十年

巳丑

蘇逸拔石頭使任讓將兵入宮執右將軍劉超侍  
中鍾雅帝抱持而泣讓奪而殺之 二月建威長  
史滕含大破賊兵蘇逸韓晃伏誅及殺西陽王羨  
陶侃與任讓有舊爲請其死帝曰是殺吾侍中右  
衛者乃殺之 以陶侃爲太尉郝鑿爲司空溫嶠  
爲驃騎將軍開府儀同三司庾亮爲豫州刺史溫  
嶠尋卒

按任讓逆黨也陶侃爲請其死晉之諸臣不明  
君臣之義在侃尚然况其他乎

後趙石虎攻上邽殺劉熙盡滅劉氏之族石勒遂  
取秦隴

代王紇那出奔宇文部鬱律之子翳槐立  
是年廬山崩

庚寅

後趙石勒建平元年



春二月後趙石勒稱天王徙都鄴止稱大趙以石  
虎爲太尉封中山王改元建平 趙以張駿爲涼  
州牧 石勒以祖約不忠於晉誅之夷其族祖逖  
有胡奴王安爲趙將軍竊逃庶子道重匿之

辛卯 熒惑守胃昴

趙石勒舉賢才興學校

秋九月石勒營鄴宮以洛陽爲南都

壬辰 涼州牧張駿立次子重華爲世子

癸巳 却石勒使焚其幣

夏五月遼東公慕容廆卒贈開府儀同三司後備

僭位謚武宣皇帝子皝嗣

石勒卒年六十僭位十五年僞謚明皇帝廟號高

祖夜瘞山谷莫知其處虛葬高平陵子弘立

石虎自爲丞相魏王大單于加九錫弒勒妻劉氏

石生等起兵討之不克而死

張駿遣張淳假道于成奉表于晉以爲大將軍

甲午 陶侃卒 仇池楊難敵卒子毅嗣稱藩于晉

成李雄生瘍於頭六日死年六十僭位三十年僞

謚武帝廟號太宗墓號安都陵兄子班嗣位庶兄

李越弒之立雄第四子期越專政



石弘延熙元年石弘畏石虎齎璽綬詣虎禪位虎曰愚暗不堪為君自當廢之何以讓為遂廢弘為海陽王幽于崇訓宮尋弑之自立為居攝天王

乙未咸康元年

正月改

趙石虎建武元年  
成李期王衡元年

帝冠

三月幸王導第

石虎南遊京師戒嚴六

日石虎遷都于鄴改元建武

鄴今彰德府

石虎敬事佛圖澄聽民為僧中國人為僧始此

成李期改元王衡

代王紇那復入翳槐奔趙

丙申

立杜預孫女為后

丁酉

慕容皝自稱燕王稱藩于趙

石虎自稱趙天王太子邃謀逆事覺虎殺之男女

二十六人同一棺更立子宣為太子

趙入翳槐于代紇那奔燕

楊初殺楊毅自稱仇池公附于趙

戊戌

成李壽更號漢漢興元年  
代什翼捷建國元年

光祿勳顏含致仕

罷司徒官

以王導為丞相

成李雄弟壽弑期自立更號漢改元漢興

代王翳槐卒弟什翼捷立稱王定襄國號代改元

建國

石虎慕容皝合兵破段遼取其地



己亥 丞相王導卒 復改丞相為司徒

庾亮請伐石虎

庚子 庾亮卒 代始都雲中 今大同府

辛丑 封慕容皝為燕王 前燕之始

壬寅 夏六月帝崩在位十七年壽二十二廟號顯宗葬

興平陵二子尚在襁褓弟琅邪王岳即位立褚裒

女為后封帝幼子丕為琅邪王奕為東海王

石虎作長安洛陽二宮役四十餘萬人

人代紀要卷之十二

人代紀要卷之十三

明吳興顧應祥 編集

大埔黃宸校刊 江陰湯明善校正

庠生倪佩 臧繼華同校

癸卯晉康帝 建元元年 成李勢太和元年

漢李壽卒年四十四偽謚昭文帝廟號中宗墓曰

安昌陵子勢立改元太和

甲辰 秋九月帝崩在位二年壽二十三葬崇平陵太子

暕即位年三歲褚太后稱制

趙綏惑守房心石虎殺中書監王波以應之復贈



司空

慕容皝擊滅宇文部逸豆歸走死皝還殺其兄翰

巳巳晉穆帝永和元年以桓温都督荆梁等州軍事

石虎大發兵治長安洛陽宮以數千里為獵場犯

其禽獸者死 張駿自稱涼王

慕容皝罷死囿以給新民 二龍見不用晉年號自稱十二年

丙午

成李勢嘉寧元年  
前涼張重華永樂元年

以殷浩為揚州刺史 桓温伐蜀

李勢改元嘉寧 慕容皝襲扶餘拔之虜其王玄

涼王駿卒子重華立改元永樂

丁未

桓温滅蜀徙李勢于建康封歸義侯

李特以晉惠帝太安元年壬戌稱兵傳六世四

十六年至穆帝永和三年丁未為桓温所滅

以張重華為涼州刺史西平公

楊初稱藩以為雍州刺史仇池公

趙石虎築華林園

沙門胡進言于虎曰晉運當興宜苦役晉人以

厭其氣虎遂發男女十六萬車十萬乘運土築

園燃燭夜作死者數萬子宣建天子旌旗戍卒

十八萬行遊虎望之笑曰吾家父子如此自非



天崩地陷當復何愁

戊申 加桓温征西大將軍

趙太子宣殺其弟韜欲謀逆事覺石虎殺之焚以  
烈火取灰分置諸門戮其妻子九人少子纔數歲  
亦殺之立少子世為太子以世母劉昭儀為后劉  
曜之女也

石虎敬信胡僧佛圖澄使國中造寺削髮為僧  
而骨肉相殘慘酷已極何不以慈悲之心化之  
史稱佛圖澄豫言成敗有驗殆亦妖術耳

燕王慕容皝卒在位十五年年五十二僭謚文明

皇帝子儁繼

是年安定妖人侯子光易名李子揚聚眾數千稱  
大黃帝建元龍興石廣討平之

巳酉

後趙石虎太寧元年 石鑒青龍元年  
前燕慕容皝燕元元年

趙石虎稱皇帝改元太寧 梁犢等因眾怨作亂  
眾至十萬姚弋仲蒲洪討平之封姚弋仲為西平  
公蒲洪為雍州刺史畧陽公

夏四月後趙石虎卒在位十五年子世嗣劉后臨  
朝稱制與鎮衛將軍張豺矯制殺丞相石斌鎮關  
大將軍彭城王石遵入鄴誅張豺廢世為譙王劉



后為太妃尋弒之自立塋石虎顯原陵偽謚武皇  
帝廟號高祖以石閔為都督中外諸軍事初遵許  
立閔為太子至是立其子衍又欲除閔  
冬十一月石閔殺石遵及衍立義陽王鑒收元青  
龍

十二月石鑒圖石閔不克閔執鑒幽之下令城中  
曰同心者留不同心者任所之胡羯爭出城率趙  
人盡殺之死者二十餘萬人

張重華自稱涼王

鮮卑慕容儁稱帝遼東國號燕收元燕元是為前

燕

庚戌

魏冉閔永興元年  
石祗永寧元年

石閔殺石鑒并殺石虎孫三十八人盡滅石氏篡  
其位復姓冉國號魏收元永興

石閔本姓冉魏郡內黃人父瞻為石虎養子閔  
虎之義孫也

後趙石勒於晉元帝太興二年稱王襄國成帝  
咸和三年滅前趙僭號傳子弘為石虎所弒再  
傳至穆帝永和五年為冉閔所滅凡二十三年  
石鑒弟石祗稱帝于襄國收元永寧以姚弋仲為



右丞相

蒲洪據長安自稱三秦王改姓苻故趙將麻秋斬  
苻洪洪子健斬秋附于晉

辛亥 苻健自稱天王大單于國號大秦 冉閔圍石祗

于襄國

石祗將劉顯攻冉閔不克斬祗首送鄴又自僭號

壬子

前秦皇始元年  
前燕元璽元年

苻健稱帝長安改元皇始是為前秦 冉閔破襄

國殺劉顯遷其民于鄴

姚弋仲卒子襄率眾歸晉屯譙城

燕救石祗攻冉閔留其將蔣幹與太子智守鄴

自與燕戰敗慕容恪執冉閔歸送慕容儁殺之遂

破鄴

晉督統謝尚詔蔣幹得傳國璽歸于晉

慕容儁自和龍徙中山詐稱得璽改元元璽是為

前燕

癸丑

晉以張重華為涼州牧 冬十一月張重華卒子

曜靈立年十歲嬖臣趙長廢之立其叔父張祚祚

淫虐弒重華妻裴氏

甲寅

涼張祚和平元年



張祚自稱涼王改元和平

殷浩以罪免為庶人徙信安卒 桓温伐秦不利

而還 姚襄叛降于燕

乙卯

前秦苻生壽光元年  
涼張玄靚太始元年

前秦苻健卒年三十九偽謚明皇帝廟號高祖太子苻生立改元壽光 熒惑入東井苻生殺其后

梁氏太傅毛貴梁楞梁安以應之又殺丞相雷弱

兒及其九子二十七孫

涼張祚暴虐眾欲復立曜靈祚殺曜靈涼人遂弒

祚立曜靈弟玄靚年七歲改元太始

丙辰

桓温為大都督討姚襄破之襄走據襄陵温入洛陽修諸陵

苻生殺其司空王墮 張玄靚稱藩于苻生

丁巳升平元年

秦苻堅末興元年  
燕光壽元年

春正月帝冠太后歸政 夏六月三月並出孛入

紫微 燕慕容儁徙居鄴發石虎墓無屍購得之

數其殘酷投之漳水

秦太史令康權以天變告苻生生怒撲殺康權又

欲殺東海王堅堅知之乃弒生以位讓其庶兄清

河王法法不受堅乃自立去帝號稱大秦天王大



八代紀要 卷之二十三  
赦改元未興立子宏為太子以法為丞相弟融為  
陽平公子丕為長樂公王猛為中書侍郎

冬十一月秦太后苟氏與李威謀賜法死苻堅與  
法慟哭而訣封其子陽為東海公

按苻生在位殺人無筭剝人面皮使之歌舞告  
賊者剗出其心諫者鑿其頂而殺之虎狼食人  
則曰天助我殺之耳錘鉗鋸鑿不離左右群臣  
得保一日如度十年悖亂如此苻堅若守義不  
取則束手就戮而死無益於國矣尹氏乃謂微  
子比干寧忍絕祀不敢取而代之是以責堅是

以聖賢之道責夷狄也不亦迂哉

戊午 次飛督王饒獻鳩鳥帝鞭饒焚之

己未 前秦苻堅改元甘露

庚申 前燕建熙元年

桓溫以謝安為征西司馬

前燕慕容儁卒年四十二僞謚景昭皇帝廟號烈

祖子暉繼是為幽帝改元建熙

仇池公楊駿卒子世嗣

辛酉 夏五月帝殂年一十九葬永平陵廟號孝宗成帝

子琅邪王丕即位年二十一



涼張玄靚稱晉升平年號

壬戌晉哀帝隆和元年

桓温請遷都洛陽以絲綽言不行

癸亥興寧元年

涼張天錫太清元年

加桓温大司馬都督中外諸軍錄尚書事

涼張天錫弒其君玄靚而自立改元太清

甲子

帝餌方士藥有疾太后攝政

以王述為尚書令

秦以張天錫為西平公

燕遷宗廟百官于鄴

乙丑

春三月帝殂年二十五葬安平陵弟奕即位是為

海西公

燕兵陷洛陽將軍沈勁死之

丙寅晉帝奕

太和元年

以會稽王昱為丞相錄尚書事加殊禮

丁卯

燕慕容恪卒

戊辰

桓温自加殊禮位諸侯王上

晉以仇池公楊世為秦州刺史

己巳

桓温伐燕失利于枋頭徙鎮廣陵

是年秦取洛陽

燕以慕容冲為大司馬



燕慕容垂奔秦以爲冠軍將軍

庚午 廣漢李弘詐稱李勢子自稱聖王年號鳳凰

冬十一月秦王堅破鄴執燕王暉封新興侯遷鮮卑四萬戶于長安前燕亡

前燕慕容皝晉元帝大興二年據遼東傳子皝成帝咸康三年丁酉稱燕王傳子儁穆帝永和八年稱帝龍都升平元年遷鄴至是爲苻堅所滅凡三世三十四年稱帝一十九年

辛未 晉簡文帝 咸安元年

十一月桓溫以郗超之謀入朝廢帝爲東海王立

元帝子會稽王昱年五十二自爲丞相鎮姑孰專制又降帝爲海西公害其二子及母

先是熒惑守太微至是又逆行入太微

張天錫降于秦

代將長孫斤謀弒代王什翼健太子寔格之傷脇卒妻賀氏遺腹生子珪

秦滅仇池公楊纂

壬申 夏四月桓溫遷海西公於吳縣 秋七月帝殂年

五十三謚簡文葬高平陵廟號太宗子昌明立年十歲褚太后稱制



秦以王猛為相

癸酉晉孝武帝 寧康元年

大司馬桓溫來朝百官拜於道側 秋七月桓溫卒以其弟桓冲為都督揚豫江州軍事冲稱溫遺命立溫少子玄為嗣年五歲襲封南郡公 以王彪之為尚書令謝安為僕射王坦之為中書令領丹陽尹

甲戌 蜀人張育自稱蜀王改元黑龍秦討平之

乙亥 秦苻堅禁老莊圖讖之學 秦王猛卒

丙子太元元年

帝加元服太后歸政

涼張天錫降于秦前涼亡

前涼張軌自晉愍帝建興二年為涼州牧至張天錫凡九主六十三年為苻堅所滅今陝西涼州衛是其故治

代庶子寔君弒什翼犍國亂孫珪依母氏賀訥秦平伐分為二部河以東屬劉庫仁河以西屬劉衛辰珪依庫仁

丁丑 朱序為梁州刺史

高句麗新羅西南夷皆遣使入貢于秦



乞伏司繁卒子國仁立是為西秦

乞伏氏本鮮卑乞伏部之裔

戊寅 郗超死 王彪之卒

秦却大宛貢馬

己卯 秦兵陷晉襄陽執朱序歸以為度支尚書

庚辰

辛巳 立佛精舍於內殿

壬午 東夷西域六十二國朝貢于秦

秦徙鄴銅駝馬飛廉翁仲于長安遣呂光擊西域

癸未 秦王苻堅舉國入寇都督謝石冠軍將軍謝玄大

破其兵於淝水殺其將苻融堅中矢走朱序張天

錫歸晉 加謝石尚書令謝玄前將軍固辭不受

按淝水之捷雖天祐晉室是非常之功也石玄

不受爵賞賢於後世之矜功自伐者遠矣

秦將乞伏國仁據隴右叛 丁零翟斌起兵攻洛

陽秦遣慕容垂討之垂遂與斌合叛秦

甲申

後燕慕容垂燕元元年 西燕慕容冲燕興元年 後秦姚萇白雀元年

慕容垂自稱燕王于中山改元燕元以翟斌為河

南王尋殺之

垂前燕慕容皝第五子也墮馬折齒名缺後改



名垂封吳王為慕容暉所忌奔秦為苻堅將堅  
敗垂所部兵獨全或勸垂殺堅垂不從以兵屬  
堅後遂有異志是為後燕

慕容泓起兵華陰稱王改元燕興進攻長安索慕  
容暉苻堅乃殺暉燕將以泓無德望弒之立其弟  
冲

慕容泓暉諸弟也封濟北王燕亡為北地長史  
冲泓之弟也其姊清河公主年十四有殊色堅  
納之冲年十二堅又幸之姊弟專寵王猛切諫  
乃出居長安至是約暉內應恢復是為西燕

姚萇起兵北地自稱秦王改元白雀

萇弋仲之子也討慕容泓兵敗懼誅遂叛是為  
後秦

燕慕容興文在劉庫仁所庫仁欲救苻丕興文遂  
殺庫仁竊其駿馬奔燕庫仁弟頭眷代立

晉謝玄遣劉牢之將兵救鄴且饋之粟

按苻堅入寇晉室幾亡乃發兵救之又饋之粟  
是以德報怨矣况夷狄亂華非隣國之比自相

攻擊中國之利也譬若禽獸相噬救之何為

乙酉

西燕慕容冲更始元年 後涼呂光太安元年  
前秦苻丕太安元年 西秦乞伏國仁建義元年



劉牢之敗還 太保謝安卒謚文靖

慕容冲稱帝于阿房改元更始居平陽冲兵入長

安大掠苻堅奔五將山 秋七月姚萇破五將山

執苻堅求禪代不許問璽曰已送晉遂縊殺堅於

新平佛寺謚曰壯烈天王年四十八堅子丕自立

于晉陽改元太安僞謚堅為世祖宣昭皇帝

劉庫仁子劉顯弒頭眷自立欲殺拓跋珪珪奔賀

蘭部

苻堅將呂光破西域諸國欲留龜茲西僧鳩摩羅

什勸之東還乃以駝二萬餘頭致外國珍寶珍禽

怪獸駿馬萬餘匹入姑臧聞堅死乃殺梁州刺史

梁熙而自立建元曰太安

呂光羗種也是為後涼

乞伏國仁據金城自稱大單于改元建義

國仁鮮卑乞伏部種是為西秦

燕以慕容農為幽州牧守龍城

丙戌

魏拓跋珪登國元年 後燕慕容垂建興元年

西燕慕容永中興元年 秦苻登太初元年

前涼張大豫 鳳凰元年 封孔靖之奉聖亭侯 海西公奕卒于吳

冒頓拓跋什翼珪復立為代王建元登國是為後



魏道武皇帝徙都盛樂改國號魏

盛樂雲中郡邑音成洛括地志

曰故城在并州新興縣

是為北朝之始

後燕慕容垂稱帝于中山改元建興

西燕人怨慕容冲將軍韓延因衆心殺之而立燕

將段隨改元昌平 慕容恒慕容末誅段隨立宜

都王子顛改元建明 恒弟韜弒顛立冲之子瑤

改元建平 末又弒瑤立慕容泓之子忠改元建

武 忠又被弒慕容末乃立為河東王改元中興

稱帝于長子將以秦后楊氏為上夫人楊引劔刺

之為末所殺

抱罕諸氏立苻堅族孫苻登為雍河二州牧請命

于丕封南安王 苻丕為慕容末所敗走晉東垣

晉將馮該斬之登遂稱帝改元太初

前涼張天錫子張大豫稱涼州牧改元鳳凰保據

陽塢 呂光自稱酒泉公

丁零翟斌子翟遼據黎陽

丁亥 徵處士戴逵不至 立子德宗為太子

慕容垂之子柔及孫盛會自長子逃歸

魏破劉顯顯奔西燕



呂光殺張大豫

戊子

西秦乞伏國仁太初元年  
魏天王翟遼建光元年

康樂公謝玄卒謚獻武

翟遼稱魏天王改元建光

西秦乞伏國仁卒僞謚宣烈王廟號烈祖弟乾歸

立改元太初徙都金城

巳丑

呂光麟嘉元年

范甯為豫章太守

呂光自稱三河王改元麟嘉

姚萇襲破苻登輜重執登妻毛氏不屈而死

秦苻登以乞伏乾歸為金城王

庚寅

以王恭都督青兗幽并冀五州軍事

辛卯

魏殺劉衛辰其少子勃勃奔薛干部

翟遼卒子釗代立改元定鼎

壬辰

以殷仲堪都督荆益寧三州軍事

燕破翟釗釗奔西燕

癸巳

秦丞相竇衝叛自稱秦王改元元光

姚萇卒年六十四僞謚武昭皇帝號太祖子興嗣

帥師攻秦

是年西燕殺翟釗



甲午

後秦姚興皇初元年

後秦姚興擊苻登殺之登子崇奔立于湟中興始為萇發喪稱帝改元皇初

前秦苻洪據長安子健於晉穆帝永和七年稱

天王八年稱帝子生為苻堅所殺堅敗子丕稱

帝于鄴為慕容永所殺丕子登復稱帝隴東為

後秦所滅凡五主四十四年

後燕慕容垂攻拔長子殺慕容永西燕亡

西燕自晉孝武大元十年苻堅敗慕容冲稱帝

八年而為慕容垂所滅中間半年之間連弑四

主不足稱國也

呂光以禿髮烏孤為河西都統

禿髮烏孤河西鮮卑人與後魏同出八世祖疋

孤自塞北遷河西疋孤子壽闐產於被中土俗

謂被為禿髮遂以為姓此南涼之始

乙未

禿髮烏孤徙廉川

興元府廉水縣

丙申

後涼呂光龍飛元年

秋九月帝戲所幸張貴人以年當廢因醉寢消暑

殿貴人以被蒙弑之假云暴崩年三十五謚孝武

聖隆平陵廟號烈宗太子德宗立年十五歲會稽



王道子進位太傅

是年二月後燕慕容垂襲魏平城死于上谷年七十一偽謚成武皇帝號世祖子寶立寶前後段氏所生也為太子荒怠繼后段氏嘗謂垂別擇賢者寶銜之及即位使人謂段氏宜早自裁以全段宗段氏遂自殺 寶愛其少子策立為太子 後燕以慕容德為冀州牧守鄴 慕容農為并州牧守晉陽

後涼呂光稱大涼天王改元龍飛

拓跋珪大舉伐燕取并州慕容農敗走

是年晉封楊盛為仇池公

丁酉晉安帝隆安元年

後涼沮渠蒙遜神璽元年南涼禿髮烏孤太初元年

春正月帝冠 左僕射王國寶與將軍王緒惡王

恭殷仲堪欲奪其兵權恭舉兵向關挾道子斬緒賜國寶死始罷兵

後燕慕容寶募群盜擊破魏軍燕兵忽自亂大敗朝臣將卒多降于魏燕王寶奔入其庶長子慕容會軍會作亂奔中山慕容詳誅之詳遂稱帝于中山 慕容麟殺詳代立魏襲中山麟奔鄴 後涼沮渠蒙遜起兵攻拔臨松據金山推建康太



守段業為主以衆歸之段業自稱建康公改元神  
璽是爲北涼

沮渠蒙遜臨松盧水胡也先是爲匈奴左沮渠  
以官爲氏蒙遜伯父羅仇麴粥爲呂光將爲光  
所殺蒙遜乃起兵說建康太守段業曰呂氏政  
衰瓦解柰何以蓋世之才欲忠于垂亡之國欲  
屈府君撫臨鄙州業從之遂稱涼州牧建康公  
是爲北涼段業京兆人

秃髮烏孤自稱大單于西平王改元太初取金城  
居樂都是爲南涼

戊戌

後燕建平元年 南燕慕容德元年  
魏天興元年

晉王恭殷仲堪楊佺期桓玄反陷江州加會稽王  
道子黃鉞討之恭司馬劉牢之斬恭降以牢之都  
督青兗七州軍事桓玄爲江州刺史楊佺期爲雍  
州刺史以殷仲堪督荆益軍 妖人孫泰談養生  
術聚衆作亂會稽王道子誘斬之其兄子恩逃入  
海愚民以泰蟬蛻不死爭資給之

後燕范陽王德徙居滑臺稱燕王是爲南燕殺慕容麟  
後燕尚書蘭汗弑其主寶自立改元青龍  
長樂王盛平之稱帝改元建平



魏遷都平城稱帝始建宗廟社稷制作禮樂定律  
考象束髮加帽改元天興

巳亥

北凉段業天璽元年

後凉吕纂咸寧元年

以元顯為揚州刺史尋錄尚書事顯聚斂富踰帝  
室

桓玄舉兵反攻江陵殺殷仲堪楊佺期 孫恩寇

會稽殺內史王凝之謝琰劉牢之討之以琰為會

稽太守

魏分尚書諸曹置五經博士大索書籍

南凉秃髮烏孤徙治洛陽烏孤墮馬傷死偽謚武

王號烈祖弟利鹿孤立徙居西平

北凉段業自稱涼王改元天璽

後秦姚興以災異去帝號降稱秦王改元弘始

後凉吕光疾以子紹為天王自號太上皇以庶長

子纂為太尉弘為司徒尋卒偽謚懿武皇帝廟號

太祖纂以兵入紹自殺纂畏弘兵強讓弘弘不受

纂即偽位改元咸寧

後燕慕容盛改元長樂

是年僧法顯從後秦入西域

庚子

南凉利鹿建和元年

南燕慕容備德建平元年

八代已更

卷之三

七



以桓玄都督荆江八州軍事荆州刺史 孫恩復  
寇會稽太守謝琰敗死恩轉寇臨海劉牢之討之  
恩走入海

魏拓跋珪立慕容氏為后克中山擄慕容寶之女  
也

魏置僊人博士

南凉秃髮利鹿孤改元建和

後燕慕容盛貶號庶人天王

後凉吕弘作亂纂殺之

西秦乞伏乾歸為後秦姚興所破奔南凉待以上

賓畏為所害遂降于姚興

南燕慕容德稱帝更名備德改元建平

北凉段業以隴西李暠為敦煌太守暠自稱凉公

是為西凉居敦煌改元庚子

辛丑

後凉吕纂神鼎元年  
北凉沮渠蒙遜永安元年  
後燕慕容熙光始元年

孫恩寇海鹽劉裕討破之又寇丹徒北陷廣陵劉

裕破孫恩於郁洲 桓玄表其兄偉鎮下口

後秦姚興釋乞伏乾歸還死川

後凉吕纂宴群臣吕超以劔弑纂立纂兄隆改元

神鼎問璽於纂后楊氏曰已毀之楊氏有美色超



欲烝之楊自殺

南涼禿髮利鹿孤擊呂隆徙其民二千戶呂隆降于後秦

北涼沮渠蒙遜弒段業自稱張掖公改元永安是謂武宣王

辛丑

後燕段璣作亂弒其君盛丁太后廢太子定而立叔父熙捕段璣誅之平原公元及太子定俱賜死熙垂之少子烝丁后故得立改元光始偽謚盛為昭武皇帝號中宗

是年姚興稱西秦王 南涼北涼西涼俱入貢于

後秦

壬寅元興元年

南涼禿髮儁檀弘昌元年

正月改元 以元顯為大都督討桓玄玄遂反劉牢之附于玄玄兵入京自為太尉總百揆殺元顯以牢之為會稽內史牢之自殺 孫恩寇臨海太守辛景擊破之恩赴海死從死者百數謂之水僊復推恩妹夫盧循為主桓玄欲撫安東土以循為永嘉太守 桓玄殺會稽王道子

南涼禿髮利鹿孤卒偽謚康王弟儁檀立始稱涼王改元弘昌徙居樂都



後燕慕容熙納符謨二女有寵丁后怨恚謀廢立  
事覺逼令自殺

是年柔然據漠北稱可汗

癸卯太亨元年

桓玄自為相國加九錫封楚王 冬十一月篡位

更號楚改元永始廢帝為平固王遷于尋陽

魏拓跋珪初制冠服

後燕慕容熙作龍騰苑

後秦姚興徵呂隆為散騎常侍後涼亡

後涼自呂光以晉孝武大元十年乙酉據姑臧

傳四世一十四年為後秦所滅 今涼州衛東姑臧在河西屬武威郡

甲辰

魏天賜元年

劉裕起兵討桓玄玄挾帝入江陵寧州都護馮遷

誅玄乘輿反正 盧循陷番禺其妹夫徐道覆陷

始興 魏改官制改元天賜

南燕秃髮傉檀去年號罷尚書官稱藩于秦

後燕慕容熙作逍遙宮冬與妻苻氏遊太原白鹿

山士卒為狼虎所害及凍死者五千餘人

乙巳義熙元年

正月

西涼李暠建初元年 南燕慕容超太上年

春正月改元

以劉裕都督十六州軍事出鎮京



口 以賊黨盧循為廣州刺史 益州刺史毛璩  
起兵討桓振衆殺璩立參軍譙縱為主稱成都王  
帝還建康

後秦以胡僧鳩摩羅什為國師翻譯佛書

南燕慕容備德卒年七十偽謚獻武皇帝潛葬山  
谷兄子超嗣位改元太上

西涼李暠改元建初奉表于晉

丙午 孔安國為尚書左僕射

西秦乞伏乾歸如後秦

丁未

北燕高雲正始元年  
夏赫連勃勃龍升元年

劉裕殺東陽太守殷仲文及桓冲孫胤夷其族

後燕慕容熙妻符氏嘗季夏思凍魚膾冬思生地

黃須有司不得俱加大辟符氏死悲號僻踴若喪

考妣驗群臣無淚者罪之兄慕容隆妻張氏美容

將以為殉以事賜死衛中將軍馮跋推熙養子慕

容雲為主弒之雲即位復姓高改元正始是為北

燕偽謚熙為昭文皇帝

後燕自慕容垂以晉孝武大元八年僭立傳寶

盛熙凡三世二十四年為高雲所篡今保定府  
是其所治

南燕慕容超稱藩于秦



後秦以乞伏乾歸為主客尚書

後秦將赫連勃勃自稱夏天王居統萬改元龍昇

赫連勃勃匈奴右賢王去卑之後劉淵之族勃

勃即劉衛辰少子自以為赫赫連天改姓赫連

又以夏后氏之後故國號夏能統御萬民故居

名統萬

南涼嘉平元年

戊申

劉裕自為揚州刺史錄尚書事

南涼禿髮傉檀復稱王改元嘉平

南燕汝水竭

己酉

魏永興元年

西秦更始元年

劉裕伐南燕

魏主珪欲立劉貴人子齊王嗣為太子先賜其母

死嗣性孝號泣逃避賀夫人子紹克狠無賴素為

魏主所惡紹夜與宦者宮人通謀踰垣入宮弒魏

主嗣聞變率衛士誅紹及賀氏皆齋食之遂即位

改元永興珪被弒年三十九謚宣武皇帝後改謚

道武廟號太祖葬盛樂金陵

初拓跋珪見賀太后之妹有美色密令人殺其

夫而納之生子紹極惡珪欲殺之遂為其所弒



珪知習衣冠禮樂而所為若此蓋夷狄之俗也  
若太子嗣不忍母之死而號泣逃避可謂孝矣  
故備書之以見夷俗之難變人性之本善也

西秦乞伏乾歸自秦逃歸復稱王改元更始

北燕高雲為其寵臣離班桃仁所弒馮跋殺班仁

自立改元太平

庚戌 劉裕克南燕執慕容超送建康斬之南燕亡

南燕慕容德於晉安帝隆安二年戊戌僭號傳

子超凡二世共十四年為劉裕所滅居鄴今彰德府

劉裕自為太尉中書監加黃鉞復辭官受鉞

南京禿髮傉檀攻北涼沮渠蒙遜敗績遷于樂都

辛亥 劉藩克始興誅徐道覆 劉裕受太尉中書監之

命

交州刺史杜慧度誅盧循

西秦乞伏乾歸復降于後秦

壬子 西秦乞伏熾磐永康元年 北涼玄始元年

以劉毅都督荆寧秦雍軍事 劉裕襲荊州殺劉

毅 劉裕自加大傅揚州牧復辭不受

西秦乞伏乾歸為其兄子乞伏公府所弒走保大

夏世子熾磐討平之自立為河南王改元永康謚



乾歸為武元王遷都抱罕

北涼沮渠蒙遜遷姑臧稱河西王改元玄始始置

官僚

夏鳳翔元年

癸丑

劉裕殺豫州刺史諸葛長民 劉裕遣朱齡石等

平蜀譙縱走死 夏赫連勃勃築統萬城改元鳳

翔

甲寅

魏改元神瑞

南涼唾契汗乙弗部叛僣檀帥師討之留太子虎

臺守樂都

西秦乞伏熾磐襲樂都徙虎臺及其民萬餘戶于

抱罕僣檀遂投熾磐待以賓禮後復醜之并殺虎

臺南涼遂亡

南涼禿髮烏孤以晉安帝隆安元年僭立傳利

鹿孤僣檀三世共一十九年為西秦所滅今西寧衛

是其所治

是年柔然步鹿真逐其可汗斛律而自立大檀殺

而代之 是年僧法顯自西域還

乙卯 慧星二見 霍山崩出銅鐘六枚

熒惑在匏瓜中不見八十餘日復出東井



是年河西飢胡推白亞栗斯為單于改元建平

丙辰

魏泰常元年  
後秦姚泓永和元年

劉裕自加相國揚州牧封宋公備九錫復辭

後秦姚興卒年五十一偽謚文桓皇帝廟號高祖

太子泓立改元永和

四月魏改元泰常

丁巳

西涼李歆嘉興元年

劉裕遣王鎮惡等伐秦克長安姚泓子佛念年十一  
一勸泓引決泓不應佛念自投宮墻而死泓出降  
執歸建康斬之後秦遂亡

後秦姚萇晉孝武太元九年僭立傳興泓凡三

世共三十二年而為劉裕所滅先據北地  
後都長安

劉裕進爵為王辭不受

西涼公暲卒謚武昭王世子歆嗣改元嘉興

戊午

夏昌武元年

慧星入太微進掃紫微 夏六月劉裕始受相國

宋公九錫之命 冬十二月劉裕使王韶之以散

衣縑帝于東堂弒之立琅邪王德文

是年晉以西涼公李歆為鎮西大將軍以北涼王

沮渠蒙遜為涼州刺史



夏主勃勃稱帝于長安改元昌武

已未晉恭帝 元熙元年 夏真興元年

劉裕殺晉宗室有才望者司馬楚之據長社裕使  
沐謙刺之謙不忍殺轉屯栢谷塢 劉裕自加殊  
禮進太妃為太后世子為太子

夏主勃勃徵隱士韋祖思惡其過禮殺之

夏主勃勃還統萬改元真興

人代紀要卷之十三

人代紀要卷之十四

明吳興顧應祥編集

大埔黃宸校刊 江陰湯明善校正

庠生倪佩 臧繼華同校

庚申宋武帝永初元年 西秦乞伏熾磐建弘元年  
西涼李暠永建元年

夏六月劉裕篡代晉命國號宋廢帝為零陵王以  
兵守之

東晉自元帝於丁丑年即位建康傳一十一主  
至庚申年為劉裕所篡共一百三年東西二晉  
共一百五十五年



北凉沮渠蒙遜誘西凉出戰殺李歆西凉遂亡歆弟恂奔入敦煌稱刺史改元永建西秦乞伏熾磐改元建弘

辛酉 秋八月立子義符為皇太子

九月劉裕弒零陵王年三十六

劉裕使琅邪郎中令張偉以毒酒酖零陵王偉曰酖君以求生不如死乃自飲而卒王每生男輒令其妃兄弟褚秀之淡之殺之王慮禍與妃共處一室煮食牀前不得間隙裕乃令褚淡之往視妃出別室相見兵遂踰垣而入進藥王不肯飲曰佛教自殺者不復得人身乃以被掩殺之裕復率百官臨于朝堂三日謚晉恭帝葬冲平陵 曹丕代漢封漢帝協為山陽公司馬炎代魏封魏主奐為陳留王俱未嘗加害竊人之國而又弒其王者自劉裕始裕之不仁甚矣

北凉沮渠蒙遜屠敦煌殺李恂

西凉李暠晉安帝隆安四年稱凉公傳歆恂共二十二年而亡

壬戌 夏五月帝殂年六十七謚武皇帝葬初寧陵廟號

高祖太子義符即位年十七



魏立子燾為太子

是年宋封楊盛為武都王

癸亥宋少帝景平元年

冬十一月魏主殂年三十二謚明元皇帝廟號太宗太子燾即位是為世祖大武帝 嵩山道士寇謙之詭言嘗遇老子降命繼張道陵為天師崔浩深信之言於魏主立天師道場受符

張道陵之教曹操啓其源而魏太武與崔浩助其瀾遂為千古不磨之典邪術之易於惑人如此

甲子宋文帝元嘉元年

魏太武帝始光元年

春正月宋徐羨之等奏廢廬陵王義真為庶人張約之論救被殺

夏五月徐羨之傳亮謝晦廢宋主義符為營陽王弒之并殺義真迎立武帝第三子宜都王義隆立之年一十八改元元嘉以謝晦行都督荆湘等州軍事徐羨之為司空

宋主義符荒淫無度徐羨之欲廢主以廬陵以次當立乃先廢義真時義符方在華林園沽賣為樂醉寢龍舟徐羨之等約檀道濟兵入扶出



收璽綬以太后令數其過惡廢為營陽王送故  
太子宮使邢安泰弒之宋主有力突出追者以  
門關拮弒之按霍光廢昌邑王昌邑乃光所立  
者然亦送還本國而已義符乃武帝所立徐羨  
之等顧命之臣也不聞規正之言遂行廢立之  
舉又以門關拮而弒之若犬豕然豈為人臣之  
道乎

夏主赫連昌承光元年

乙丑

宋主始親政

魏主尊其保母竇氏為保太后奉之不異所生

夏主赫連勃勃卒子昌立改元承光

北燕女子化男

武都王楊盛卒子玄嗣

丙寅 宋主與僧慧琳議朝政人謂黑衣宰相

宋誅徐羨之傅亮謝晦舉兵反宋主親討誅之

子劭生 宋以謝靈運為秘書監顏延之為中書

侍郎

魏立太學祀孔子以顏回配

丁卯 晉處士陶潛卒

魏克夏統萬夏主昌走上邽



魏封楊玄為南秦王

戊辰

魏神麴元年

西秦乞伏暮末承弘元年 北凉承玄元年 夏赫連定勝光元年

天竺國遣使入貢于宋

春二月魏改元

魏執夏主昌歸以妹妻之賜爵會稽公

夏赫連定稱帝平凉復取長安改元勝光

西秦乞伏熾磐卒子暮末立改元末弘

巳巳

宋以弟彭城王義康為司徒錄尚書事

江夏王義恭都督荆湘等州軍事

立子劭為太子

魏崔浩勸魏主北伐

魏主伐柔然紇升蓋可汗大檀敗走憤悒而卒子

吳提立號敕連可汗

楊玄卒弟難當廢其子保宗而自立

庚午

宋以楊難當為武都王

鑄四銖錢

林邑入貢

北燕馮跋卒弟弘殺太子翼自立

辛未

北燕馮弘太興元年 北凉義和元年

魏以崔浩為司徒定律令



北燕馮弘改元太興

夏伐西秦俘乞伏暮末殺之西秦亡

西秦乞伏國仁於晉孝武大元十年僭位傳乾

歸熾磐暮末凡四十六年為夏赫連定所滅今陝

西臨洮府

夏伐北涼吐谷渾王慕瓚襲敗之執赫連定以歸

北涼改元義和入貢于魏

壬申

魏延和元年

益州人趙廣等作亂推程道養為蜀王改元泰始  
魏尊保太后為皇太后赫連氏為后以子晃為皇

太子改元延和

吐谷渾送夏王于魏殺之夏亡

夏赫連勃勃晉安帝義熙三年僭號傳昌定凡

二十六年而亡勃勃先據朔方今寧夏衛後取長安稱帝

癸酉

北涼沮渠牧犍永和元年

裴方明討趙廣等平之謝靈運放逸獲罪棄市

廣州廣州

北涼沮渠蒙遜卒年六十六謚武宣王子牧犍繼

改元永和

甲戌

北涼沮渠牧犍奉表于宋



甲戌 北燕馮弘稱藩于魏

乙亥 魏太延元年

西域九國入貢于魏 龜茲疏勒烏孫悅般揭繫陀鄯善焉耆車師粟特

北凉有神投書于敦煌東門

北燕馮弘為魏所攻復稱藩于宋封燕王

丙子 造水運渾儀

宋主疾以疑忌殺司空擅道濟 并其子十一人

魏攻燕馮弘奔高麗北燕亡

北燕馮跋晉安帝義熙五年襲高雲位傳弘凡

二十六年而亡 今永平府昌黎縣

楊難當自稱大秦王改元建義降于魏

吐谷渾王慕瓚卒弟慕利延立

丁丑 西域十六國朝貢于魏

戊寅 宋立玄史文儒四學徵豫章處士雷次宗開館于

鷄籠山教授除給事中不受還廬山

高麗殺北燕主馮弘

己卯 太子劭冠

北凉牧犍降魏北凉亡

北凉沮渠蒙遜以晋安帝隆安五年弒段業稱

張掖公義熙八年僭立傳牧犍凡三十九年而



亡 張掖今甘州衛

魏以楊保宗為武都王 命崔浩高允修國史

庚辰宋元嘉十七年 魏太平真君元年稱南北朝始此

劉湛有罪誅以彭城王義康為江州刺史以兵守

之

魏以寇謙之神書之文改元太平真君

辛巳

壬午 宋平楊難當 宋以沮渠無諱為河西王

魏以李寶為敦煌公 魏主賜尚書李順死

魏主詣道壇受符錄作靜輪宮

癸未 魏殺武都王楊保宗

宋立楊保宗弟文德為武都王

甲申 宋以江夏王義恭為太尉

是年柔然敕連可汗卒子吐賀真立為處羅可汗

敦煌公李寶朝魏

魏禁私養沙門巫覡罷祀胡僧

沮渠無諱卒弟安周代

乙酉 宋以武陵王駿為雍州刺史

散騎侍郎孔熙先以圖讖與太子詹事范曄謀弑

逆欲立彭城王義康事覺伏誅廢義康為庶人徙



安城郡

宋行何承天元嘉曆

魏詔以經義決疑獄 魏盧水胡蓋吳反

丙戌 宋築北隄立玄武湖

魏主討蓋吳 誅沙門毀佛像於佛像中得玉璽

二

崔浩素不信佛每言於魏主欲除沙門魏主至  
長安入佛寺見大有兵器怒曰此非沙門所用  
必與蓋吳通謀命有司閱其財產得釀具及窟  
室婦女崔浩因勸魏主盡誅境內沙門及毀經

像詔自今以後有事胡神造泥人銅人者門誅  
太子晃素好佛法緩宣詔書使遠近豫聞沙門  
多亡匿獲免或收藏書像惟塔廟無復孑遺按  
髡徒無父無君聖王之所必誅者魏主先有禁  
令不許私養沙門巫覡過二月十五日不出者  
沙門巫覡死主人門誅却乃恬不知畏而又蓄  
兵器藏婦女併其所謂清淨慈悲者而背之安  
得而不誅哉為佛氏之徒者又倡為一說以魏  
主與浩因毀佛而得禍獨不思太子晃信佛而  
不獲福庇何耶雖然浩之不信佛法似矣至於



寇謙之之符籙又獨尊信之燭理未明同歸於邪而已

丁亥 魏殺沮渠牧犍

戊子 宋以武陵王駿為徐州刺史

青州城南地中如水有影謂之地鏡

己丑 宋雍州蠻反

魏伐柔然大獲

庚寅 宋沈慶之平雍州蠻以軍興減百官俸三之一

魏殺崔浩夷其族高允以直獲免

辛卯 魏正平元年

宋主殺其弟義康

夏六月魏改元正平

魏太子晃為中常侍宗愛所搆以憂卒後謚景穆皇帝廟號恭宗

壬辰 魏文成帝興安元年

春三月宋太子劭始興王濬巫蠱事覺赦不誅

宋主欲宮中親蠱吳興女巫嚴道育善妖術役鬼物假以善蠱因東陽公主婢王鸚鵡入主第劭與濬多過失被宋主詰責乃陰與道育鸚鵡及公主奴陳天興黃門陳慶國合謀琢玉為宋



主形埋於殿庭以為魘呪鸚鵡先與天興私通  
既而公主卒鸚鵡應改嫁劭恐事泄乃以鸚鵡  
嫁濬府佐沈慶遠為妾而密殺陳天興以絕口  
慶國慮將及已乃白宋主籍鸚鵡家得所為符  
書及掘得玉像窮究其事道育亡匿為尼劭濬  
惶懼陳謝赦之

是年春二月魏主燾追悼太子晃不已中常侍宗  
愛懼誅遂弑魏主祕不發喪僕射蘭廷和疋薛提  
迎秦王翰欲立宗愛素惡翰又弑之迎南安王余  
立之改元承平宗愛為大司馬大將軍專政

魏主被弑時年四十五歲謚太武皇帝苑雲中金  
陵廟號世祖

冬十一月魏主余惡宗愛欲奪其權宗愛知之伺  
余夜祭東廟密令小黃門賈周弑余又祕之郎中  
劉尼密告尚書源賀等迎太子晃之子濬立之年  
五歲是為高宗文成皇帝改元興安誅宗愛賈周  
夷其族

魏復聽民為沙門

癸巳 春二月宋主義隆知嚴道育匿于東宮與侍中王  
僧綽吏部尚書江湛僕射徐湛之尋漢魏典故議



廢太子及擬所立江湛欲立南平王鑠徐湛之欲立竟陵王誕久而不決王僧綽力勸速斷宋主不能從以告潘妃潘妃言於濬濬馳告劭喚左衛率袁淑右軍長史蕭斌隊主張超之等謀為弒逆袁淑不從劭殺之是夜宋主與徐湛之屏人語至旦燭猶未滅劭與張超之等數十人馳入超之抽刀上殿侍衛並無一人宋主以几捍之五指皆落而崩年四十七劭殺江湛徐湛之又遣人殺潘妃剖其心召始興王濬及百官至遂即位改元太初謚宋主景皇帝廟號中宗以何尚之為司空

按元兇劭謀逆之情已著宋主宜召于朝堂集百官數其罪而廢之於諸子中擇一賢者立之可也而乃與二三近臣終日議而不決又謀及婦人以致事機泄露身受弒辱為天下笑况是時東宮每夜饗士而不知察先一日太史奏東南有急兵其禍不測而又不知備不惟優柔不斷而踈畧亦甚矣

三月宋元凶劭檢宋主巾箱得王僧綽啓奏收殺之僧綽弟僧虔為司徒屬人勸之逃僧虔曰吾兄奉國以忠若得同歸猶羽化也遂併殺之



尹氏謂王僧綽不死於臨難之時而死於受職之後不得與袁淑江徐二子同科是固然矣愚謂不特是也方元兗弒逆之後擬改元蕭斌曰舊踰年改元以問僧綽對曰晉惠帝即位即改元劭喜而從之不過貢諛言以求容于賊子之朝耳豈能死者哉僧虔於兄弟之情則得矣獨不思兄爲先帝親信之臣朝夕謀議豈無知者是元兗之所必仇者也不能討又不能去而甘心以同死不亦愚乎

夏四月宋元兗劭密書遣沈慶之殺武陵王駿慶之勸駿與主簿顏竣起兵討劭旬日之間內外整辦人以為神夏五月入建康劭入武庫井中執之與濬及劭三子俱斬于市嚴道育王鸚鵡撲殺焚屍揚灰於江張超之為亂兵所殺衆啗食其肉駿乃即位是為宋孝武皇帝改謚父為太祖文皇帝復以何尚之為尚書令

宋主忌刻遣人毒殺其弟南平王鑠

是年魏行趙歐元始曆

甲午宋世祖孝武帝孝建 魏興元元年

春二月宋江州刺史臧質以南郡王義宣反改元



建平尋敗伏誅

宋立子業為皇太子 鑄孝建四銖錢

秋七月魏皇子弘生改元興光

庫夷國獻名馬于魏一角狀如麟

乙未

魏太安元年

宋沈慶之罷就第

宋帝弟武昌王渾戲號楚王改元永光廢為庶人  
殺之時年十七

熒惑入南斗

春三月魏以太武景穆主附廟改元太安

丙申

宋顏延之卒竣之父也

以江夏王義恭為太宰

魏立貴人馮氏為后

魏立子弘為太子年三歲賜其母李貴人死

丁酉宋大明元年

春正月宋改元 顏竣以諫奢淫宋主不悅出為

東揚州刺史

戊戌

宋沙門曇標謀反伏誅

宋中書舍人戴法興戴明寶用事其門如市顧顓  
之獨不降意著定命論



魏以高允為中書令

巳亥 宋竟陵王誕反沈慶之討平之斬誕宋主命廣陵

城中無少長咸屠之慶之奏請五尺以下全之猶

殺三千餘口以沈慶之為司空

誕之反宋主激成之也然罪止一人耳一城之

民何辜哉

宋築上林苑 誣殺顏竣

按宋武初起兵之時移檄四方開陳順逆皆竣

之筆及至尋陽疾篤竣擁主於膝朝夕臨哭軍

中文教咨稟皆為專決雖同舟之人不知主之

危疾可謂患難中之功臣矣一旦因其切諫而

踈之讒言一入遂誣與竟陵同謀收付廷尉折

足賜死妻子徙交州沉其男口於江宋主真不

仁哉

庚子 魏和平元年

宋主以廬陵內史周朗言事切直殺之

魏改元和平復置史官

是年柔然殺沮渠安周滅沮渠氏

辛丑 沈慶之復罷就第

壬寅 宋始令沙門拜人主 宋復百官祿



是年宋祖冲之請更造新曆不報

癸卯 宋禁專殺及擅動民興軍

甲辰宋廢帝子業 永光 景和

夏閏五月宋主殂在位十一年壽三十五謚孝武

皇帝廟號世祖葬景寧陵太子子業即位年十六

改元永光又改景和

秋八月太后王氏崩不往視

是年柔然處羅可汗卒子牙成立號受羅部貞可

汗改元永康

乙巳宋

子業景和元年  
明帝泰始元年

宋主子業荒淫暴惡戴法興規諫賜死江夏王義

恭尚書柳元景僕射顏師伯密謀廢立為沈慶之

所發子業自帥兵殺義恭并其四子收元景師伯

殺之又殺新安王子鸞義陽王昶奔魏

寧朔將軍何邁尚宋主姑新蔡公主宋主納姑後

宮稱謝貴嬪詐言薨殺宮婢送邁殯葬邁謀立晉

安王子勛事覺見殺沈慶之進諫不得見宋主令

其從子沈攸之賞藥賜死仍厚卹之

宋主又幽諸父湘東王彧建安王休仁山陽王休

裕于內殿又召諸妃主使人辱之南平王妃不從



鞭妃百殺南平王敬猷廬陵王敬宣安南侯敬淵  
晉安王子勛起兵尋陽討子業 湘東主衣阮佃  
夫及子業左右壽寂之等弑子業于華林園或遂  
即位是為明帝冬十二月即位改元泰始  
是年宋徐州刺史義陽王昶懼禍奔魏尚公主賜  
爵丹陽王

沈慶之輔佐孝武剪除元亮可謂社稷之功矣  
及事昏暴之王年已八十而不知避位惡顏柳  
之專而發其逆謀跡雖似忠亦起於忌心之所  
使至於子業每出常與慶之及姊山陽公主同

輦豈大臣事君之道耶

夏五月魏主殂年二十六謚文成皇帝廟號高宗  
太子弘即位年十二是為顯祖獻文皇帝馮太后  
稱制

丙午

魏獻文帝天安元年

宋晉安王子勛自立於江州改元義嘉尋敗死  
宋孝武母路太后延宋主置酒進毒帝知之即以  
其卮為壽太后死

宋主以嬖人李道兒子昱為子立為太子

冬十月宋主殺兄子安陸王子綏等十三人



丁未

魏皇興元年

秋八月魏皇子宏生改元皇興

是年魏作大像高四十三尺銅十萬斤黃金六百斤

宋以金千兩贖義陽王昶于魏魏不許

戊申

宋以阮佃夫為遊擊將軍蕭道成為南充州刺史

史

巳酉

宋主殺其兄廬江王禧臨海田流自稱東海王

魏置僧祇佛圖戶

立子宏為太子

立三等輸租法除其雜調

庚戌

宋納太子妃令百官獻臨海賊平

辛亥

魏孝文帝延興元年八月改

宋主以子幼殺其弟晉平王休祐建安王休仁巴

陵王休若

秋八月魏主傳位太子宏年五歲改元延興是為

高祖孝文皇帝自稱太上皇

壬子宋恭豫元年

春正月以疾不愈改元

夏四月宋主殂在位七年壽三十四謚明皇帝廟

號太宗葬高寧陵太子昱即位年十歲



癸丑宋蒼梧王元徽元年正月改

魏以孔子二十八代孫秉為崇聖大夫

武都王楊僧嗣卒弟文度代降魏

甲寅 宋主微行自以為李道兒之子稱李將軍

宋桂陽王休範舉兵反蕭道成擊斬之

魏罷房門誅

乙卯

丙辰

魏承明元年 六月改

宋加蕭道成左僕射

夏六月魏馮太后進毒弒太上皇年二十三謚獻

文皇帝廟號顯祖太后稱制改元承明

丁巳

順帝 昇明元年七月以後 魏太和元年 正月改

秋七月帝偷狗醉還蕭道成使楊玉夫等弒之蕭

道成立明帝子安成王準年十一

宋荆襄都督沈攸之舉兵討蕭道成

中書監袁粲尚書令劉秉謀誅道成為褚淵所泄

敗死粲子最救父同死

春正月魏改元太和

以東海王丕為司徒

殺楊文度以其弟文弘為武都王



戊午 宋蕭道成自為太尉進封齊公 沈攸之敗死  
巳未 齊高祖建元元年

春二月宋司空褚淵求為齊官

夏四月蕭道成逼禪位宋主不肯臨軒下詔太后  
懼帥闈人索得之王敬則扶出宋主泣曰欲見殺  
乎敬則曰出居別宮耳官家先取司馬家亦是如  
此宋主泣曰願後身勿生天王家也

蕭道成遂篡位改元建元是為齊太祖高皇帝廢  
宋主準為汝陰王置兵守之以褚淵為司空

五月有馳馬過汝陰王之門衛士恐有為亂者奔  
入殺宋主準以疾聞齊主賞之遂殺宋宗室無少  
長皆死

宋自劉裕庚申年六月篡位傳至準巳未四月  
為齊蕭道成所篡凡八主五十九年宋劉裕殺  
晉之子孫蕭道成亦殺宋之子孫出乎爾者反  
乎爾者也

是年契丹莫賀弗勿于師部落降于魏

庚申 齊以楊難當孫楊後起為武都王

辛酉 魏沙門法秀作亂伏誅

吐谷渾王拾寅卒子度易侯立



壬戌 春三月齊主殂在位四年壽五十六謚高皇帝廟

號太祖太子曠即位是為世祖武皇帝

褚淵死其子賁耻父失節不仕

魏主始親祀七廟

癸亥齊武帝 永明元年春正月改元

魏子恂生馮太后以其當為太子賜其母林氏死

太后撫之

禁同姓為婚

甲子 魏始班祿

乙丑 齊富陽民唐寓之以妖作亂改元興乎

是年齊開學士館

是年柔然部貞可汗卒子豆輪立號伏名敦可汗

改元太平 魏詔均田

丙寅 齊平唐寓之 武都王楊後起卒種人集始立

魏始服袞冕

丁卯 魏高允卒 魏出宮人罷未作

戊辰 魏詔群臣言事

己巳 魏始備大駕

庚午 魏馮太后崩素服終制

辛未 魏作明堂太廟 更立律令 親決疑獄



魏正祀典 高麗王璉卒孫雲嗣  
壬申 齊沈約撰宋書

魏祠孔子謚文聖尼父

養老于明堂以司徒尉元為三老大鴻臚游明根  
為五更

是年柔然弒伏名敦可汗立其叔父那蓋號侯其  
伏代庫者可汗改元太安

癸酉 齊太子長懋卒 七月齊主殂太孫昭業即位是

為鬱林王

以蕭鸞為尚書令

秋七月魏立子恂為太子年十一

追尊其父為文帝廟號世宗 營洛都

以王肅為輔國將軍

甲戌齊鬱林王隆昌 齊海陵王延興

齊明帝建武元年

春正月改元隆昌齊主昭業淫亂無道

秋七月蕭鸞弒之追廢為鬱林王迎其弟新安王

昭文立之改元延興自為驃騎大將軍錄尚書事

封宣城公尋進爵為王

冬十月蕭鸞以太后令廢齊主昭文為海陵王而



自立是為高宗明皇帝改元建武立子寶卷為太子十一月蕭鸞詐稱昭文有疾遣御師往視弑之殺鄱陽王鏘等七人

魏主南巡祭比干墓 禁胡服求遺書

乙亥 魏遷都洛陽 祀園丘 魏行太和五銖錢

丙子 魏改姓元氏改群臣姓定族姓

詔群臣終三年喪 魏主廢其后馮氏為尼

魏太子恂以罪廢為庶人 魏詔漢魏晉諸陵俱

禁樵採

丁丑 魏立子恪為太子賜恂死 立昭儀馮氏為后

戊寅永泰元年四月改

齊主殺高武子孫河東王鉉等十人 夏四月齊

改元永泰 秋七月齊主鸞卒在位五年壽四十

七謚明帝廟號高宗子寶卷即位 是年齊以蕭

衍為雍州刺史

己卯齊東昏侯 春正月改元末元

齊主荒淫無度殺司空徐孝嗣

齊攻魏馬圈魏主帶疾自將敗齊師夏四月卒于

穀塘原年三十三謚孝文皇帝廟號高祖葬長陵

太子恪即位年十四是為世宗宣武皇帝彭城王



魏受遺輔政遺詔賜馮后死

庚辰

魏宣武帝景明元年

齊主大興工作雙潘妃

辛巳齊和帝中興元年

春三月齊蕭衍立南康王寶融于江陵改元中興  
是為和帝廢寶卷為涪陵王

冬十二月蕭衍兵圍建康齊主寶卷拜蔣子文為  
鍾山王尊為靈帝遊戲如故齊將王珍國張稷因  
衆怒弒寶卷斬首送衍追廢為東昏侯  
魏安國侯王肅卒

魏罷彭城王勰歸第以咸陽王為太保北海王詳  
為大將軍錄尚書事

八代紀要卷之十四終



八ヶ岳





卷之四